

Inches
Centimetres

TIPPEN Color Control Patches

© The Tippen Company, 2007



曾文正公奏議卷三

縷陳各路軍情疏

奏為疊奉 諭旨縷陳各路軍情恭摺奏祈

聖鑒事竊臣前調周鳳山一軍飭令先攻瑞州後勦臨


以瑞州逼近省垣僅百二十里也厥後周鳳山至省

與陸元烺等熟商瑞臨在河之西與省城尚有一水之

隔樟樹鎮在河之東于省城尤為肘腋之患遂舍瑞州

不攻改為先攻樟樹次勦臨江之策迨後復樟樹一鎮

新淦一縣本可渡河以勦臨江因吉安被圍緊急司道



會文正公奏言 卷三
等移文周鳳山囑其赴援以解吉安之圍臬司周玉衡
知府陳宗元在圍城之中亦飛書請援于周鳳山迫切
待命往返耽延遂逾二旬臣與撫臣文俊函商省城爲
根本之地瑞臨爲切近之災決計先勦臨江無得以四
處告警東瞻西顧徒延時日此周鳳山一軍未克遽赴
瑞州與臣前奏不符之實情也又奉

上諭會國藩現駐南康兵勇共有若干能否嚴扼九江
之衝卽著妥籌布置不可專顧一路等因欽此伏查九
江爲陸路入省之駟道南康爲水路通省之總匯青山

距兩府城各四十餘里臣之水軍久駐青山兩岸皆以
陸軍護之實與九江呼吸相通自周鳳山潯軍撤去之
後九江小池口湖口梅家洲四處之賊日夜環伺十一
月二十日東岸湖口大戰臘月初三日西岸青山大戰
幸獲全勝均經奏明在案厥後又有土匪二千餘人自
湖北興國州而來竄踞德安縣城去來不定聚散無常
臣處青山老營防禦五處之賊陸路存營之數除江西
協防兵勇及湖口紳士捐勇外不過二千九百人水路
存營之數除撥赴省河及分巡吳城外不過二千三百

人兵力至爲單薄而地形又覺散漫此臣處勉力支撐
之情形也伏念臣軍自岳州而下水陸共萬餘人合併
一支從未分散去歲以來陸軍分爲三支羅澤南率援
鄂之師五千人爲一支周鳳山接統塔齊布之舊部四
千人爲一支李元度等率平江各勇三千人爲老營之
一支水軍分爲兩支武昌十營楊載福所統者爲外江
一支鄱湖八營臣新調彭玉慶來此統帶者爲內湖一
支既已分而爲五矣而李元度駐湖之東又抽撥平江
勇虎勇千餘人駐扎西岸是陸軍三支之外又分一小


支外江則李孟羣帶船六十號別人襄河內湖則前撥
船三十號外填臣又飭彭玉慶帶船三十號馳赴臨江
是水師兩支之外又分二小支愈分則人數愈寡愈析
則氣勢愈弱其在湖北距臣八百餘里在臨江者距臣
五百餘里雖欲急圖合併而勢有不能至于行軍之道
擇將爲先得一將則全軍振興失一將則士氣消沮甲
寅年秋冬之間臣軍所以長驅千里勢如破竹者以陸
路有塔齊布羅澤南水路有楊載福彭玉慶諸人軍中
士卒皆以塔羅楊彭爲法沿江村市亦知塔羅楊彭之


會文正公奏言卷三
名故能旌旂生色。席卷無前。不幸塔齊布中道殂謝。而羅澤南楊載福彭玉慶三人者。又分往湖北臨江。不克遽聚一處。而後起之才。如周鳳山李續賓李元度數人。皆又未知果能血戰成名。仰邀恩眷否。臣久困一隅。兵單將寡。焦灼難名。惟當督飭水陸嚴防五路之賊。俟湖北臨江兩處勦辦得手。再圖會合。歸併一軍。掃蕩羣醜。以期仰副宸廑。所有疊奉

寄諭縷陳各路軍情。恭摺由驛覆奏。伏乞

皇上聖鑒。訓示施行。謹奏

咸豐六年正月初九日





各路堵剿情形疏

奏為會籌各路堵剿情形遵

旨覆奏并請飭下廣東迅撥重兵防守贛州恭摺奏

祈

聖鑒事。二月初五日承准軍機大臣字寄。咸豐六年正

月十七日奉

上諭。文俊奏江西各屬賊勢蔓延。請飭催兵撥餉一摺。

已諭知葉名琛。柏貴。何桂清。趕緊籌款撥解。并飭知駱

秉章添調兵勇。速飭劉長佑應援矣。江西逆匪久踞臨

江瑞州分擾袁州吉安各屬賊勢披猖人心惶惑兵單餉絀固係實在情形文俊甫經到任于該省地勢軍情一時未能周悉現當萬分棘手之時倘布置稍疏難免貽誤會國藩自抵江西為時已久賊情亦所深悉此時江西匪蹤幾欲蔓延全省既不能處處調兵又不能顧此失彼自應擇其最要之處先為攻勦現在瑞州臨江吉安袁州四府究竟何處賊情最為凶悍周鳳山一軍既由新淦進兵自應急勦臨江瑞州以殄賊渠周汝筠一軍現阻泰和尤應設法疏通俾得迅抵吉安劉長佑

一軍離楚後應由何路進勦方能扼要著會國藩即與文俊妥速會商務籌全局不可徒事張皇亦不可專顧一處軍情變幻靡常大勢所關應從何處下手身在必問者必能挈其綱領該侍郎與該撫酌度機宜即著會同馳奏以慰廑念至德安縣城據文俊奏已被潯城賊竄踞是否周鳳山全軍遠撤致有疏失抑或多隆阿等堵勦不力致該匪復有竄出此路一有疏懈關係長江大局該侍郎等近日如何布置并著速行奏報將此由六百里諭令知之欽此仰見

聖主睠懷南服。宵旰焦勞。

指示機宜。燭見萬里。臣等欽佩之下。尤切悚惶。伏查江西全省。以贛水爲中路之經。上發于贛南二府。下達于鄱陽一湖。吉袁瑞臨。及極北之九南兩郡。皆在贛水與鄱湖之西。廣饒撫建。及省會甯都一州。皆在贛水與鄱湖之東。一水中分。而兩岸州縣之多寡。地形之大小。蓋略相等。其袁州臨江二府之河。名曰袁江。至樟樹鎮而匯于贛河。樟樹鎮者。西近瑞臨。東接撫建。兩岸之關鍵。省城之咽喉。

諭旨垂詢最要之處。臣等以爲此時形勢。實以樟樹鎮

爲最要。臣國藩飭周鳳山陸軍彭玉麐水師扎駐該鎮。

臣文俊又調周尊彝林葆等之陸軍。劉于醇之水師。隨

同駐扎。用全力扼守樟樹鎮。以保東岸。以衛省垣。前此

正月初六日。周鳳山由新淦回扎樟樹鎮之時。本擬迅

速西渡。進攻臨江。因搭浮橋甫成。爲二十一日狂風所

壞。而東岸無重兵扼守。又恐一經渡河。頓兵堅城之下。

反增東顧之憂。此水陸嚴扼樟樹鎮。未遽西勦之情形

也。

諭旨垂詢。何處賊情最爲凶悍。一節。查各路探報。并搜獲賊中文書。據稱金陵逆匪。由湖北通城入江境者。以僞翼王石達開爲首。僞檢點賴裕新攻陷瑞州。僞翼貴丈夏姓僞豫王胡以眈攻陷袁州。僞春官丞相張遂謀夏官副丞相會姓先攻臨江。後攻吉安。粵東另股土匪。由湖南茶陵等處入江境者。以周培春人數爲最多。又有賊目葛耀明陳守鄧象緯等。均于瑞州投入石逆大股。內構粵東賊月王義潮。統賊萬餘。阻禦泰和。使周汝筠之師不得進援吉安。臣文俊前因其救援不力。曾經

奏參。摺去翎頂。另調遊擊遮克敦布統率各勇四千。山樂安永豐一帶。取道援吉。詎遮克敦布起程數日。卽得吉安失守之信。臣等卽令遮克敦布扼扎樂安。屏蔽撫建。擬令周汝筠退回贛州防守。該府贛郡天然雄鎮。爲古來必爭之地。倘有疏虞。則兩廣積年之零股。湖南郴桂之餘匪。皆將以贛州爲巢穴。後患不可勝言。臣等一面飭令駐贛文武設法防禦。一面飭周汝筠折回郡城。協同環守。惟賊眾兵單。不得不急求外援。相應請旨飭下兩廣總督廣東巡撫。迅派兵勇三四千人直赴

贛州會同戰守保此重鎮庶足顧全大局除吉安失陷
文武殉難各情另由臣文俊查明具奏外所有遵

旨會籌各路堵剿并請撥廣東援兵防守贛州緣由恭
摺由驛六百里覆奏伏乞

皇上聖鑒訓示施行謹奏

咸豐六年二月廿一日

道員建祠疏

奏為布政司銜道員羅澤南在湖北陣亡江西士民籲
請建立專祠以伸愛慕恭摺具奏請

旨飭遵事竊羅澤南自去秋克復義甯川之後單騎來

南康與臣面籌進取之策矢志廓清武漢以圖會合水

師夾江而下仍為建瓴之勢遂於八月十六日啟行繼

往力破崇通蒲圻之賊直搗武昌臣國藩以其頓兵堅

城日久未下恐師老挫衄而江西寇氛孔棘奏調羅澤

南來援於時道路梗阻自正月後五次遣使赴鄂迄無

音耗中心惶惑至三月二十九日始得胡林翼細字復書則羅澤南已於月初受傷殉節矣臣以正在用兵之際恐損士氣祕不告人而江右士民潛知消息咸深慟悼旋以公論欲為建立專祠稟請前來臣伏查羅澤南自咸豐三年正月隨臣出辦團練管帶湘勇慨然有志殺賊以拯時艱經今四載大小百數十戰所向克捷與江忠源塔齊布同時並起而戰功則較兩人為尤著自岳州以至九江雖水陸並進與大隊齊驅而獨當一面之處為多岳州之戰羅澤南力扼大橋一路崇通之戰

羅澤南力破羊樓崗數壘規復武漢之時塔齊布羅澤南與各員并集臣舟會議羅澤南手出一圖定南岸分為三路而花園堅壘則自任攻之田家鎮之役羅澤南大戰半壁山破南岸之賊營而後可斷江中之鍊鎖此羅澤南與人同功而究不因人成事者也若其功在江西者咸豐三年六月賊圍攻江西省城羅澤南偕諸軍赴援抵江後復獨勦吉安安福之賊以數百勁旅禦五千匪徒旬日戡定吉郡至刊刻詩文數卷歌頌功績五年三月廣信之役賊破府城甫及三日羅澤南四戰克

復賊退之後嚴禁兵勇入城并禁土匪搶掠百姓之逃
難歸來者但見家室依然倉箱無恙相與感激入骨義
甯州之戰以三千人破數萬眾居民尤詫其神奇是時
腹地安謐閭井晏然無驚逮羅澤南率師赴鄂粵東新
匪自茶陵入竄吉安石達開自通城入陷瑞臨曾不數
月各屬糜爛故江省士民深悔羅澤南去日未得攀留
而此日之籲請建祠爲出中心之誠輿論之公者也臣
又竊念羅澤南以窮苦諸生砥學勵行伏處授徒咸豐
元年荐舉孝廉方正亦未請咨赴京其胸懷恬淡不求

聞達概可想見乃一旦仗義從軍毅然以身許
國目危險而不顧及蒙

聖恩洵升監司加銜藩牧

賞錫勇號

賞戴花翎彌覺受寵若驚誓滅賊以報

君恩聞其彌留之際殷殷以武漢未復爲恨忠誠內蘊
久而彌篤揆之有功德於民則祀以死勤事則祀之義
實屬相符合無仰懇

天恩准於江西地方爲羅澤南建立專祠以褒臣節而

從民望。是否有當。伏乞

皇上聖鑒訓示施行。謹奏

咸豐六年四月廿一日



江西近日軍情疏

奏為江西近日軍情。據實覆奏。仰祈

聖鑒事。竊臣等伏查賊首之在江西主持軍務者。自上

年十一月至本年二月底。以偽翼王石達開為主。三四

五月。以偽翼貴丈黃玉崑為主。六七月。以偽北王韋昌

輝為主。曾于八月初六日附片具奏在案。自韋逆在瑞

州戰敗回金陵。被楊秀清斥責。洪韋二賊。謀殺楊秀清。

並誅其宗族黨羽。于是石達開自洪山歸去。黃玉崑自

江西臨江歸去。並赴金陵。謀為楊秀清伸冤復仇。八月

以後江西軍事卽係九江賊首林啟容主之。臣等正思趁此機會克復數城仰慰

宵旰憂勤之意。不意九月中撫州以分軍致挫。十月間建昌以疲乏致潰。而拏獲賊中僞文均稱石達開諭令諸賊謹守江西。凡江西境內之賊概未調赴下游。而下游之賊反由景德鎮以赴援撫。建蓋安慶爲石逆舊踞之巢穴。江西爲石逆新陷之土地。

諭旨所謂石逆糾合黨羽自圍占踞。已可概見。

聖天子明見萬里之外。洵屬無微不至。臣等曷勝欽服。

至石達開係湖南拔貢。頗有投誠之意。一節查石逆係廣西潯州府桂平縣大梭村人。在金陵時先據故明張侯第。後駐上江考棚。甲寅八月踞守安慶。十一月。臣國藩師次九江。石逆與羅大綱同赴湖口救援。官軍被挫。乙卯春武漢復陷。該逆往來蕪黃一帶。提調賊軍十月由通城竄入新昌。招納廣東新附之匪。連陷江西數府。本年三月下竄甯國蕪湖等處。七月初九復由興國州上援武昌。爲李續賓之師所敗。現據各路探報。石逆糾集匪黨十餘萬人。前往金陵。誓殺洪韋二賊。爲楊秀清

報仇以臣等愚見揆之。如果洪韋勝而石逆敗。則投誠乃意中之事。若其石逆勝而洪韋敗。則該逆挾詭詐以馭眾。假仁義以要民。方且飛揚自恣。未必遽有投誠之心。臣等會檄諭九江賊目林啟容。令其歸順。又作偽文調瑞州賊目賴裕新。令赴下游。均無成效。假令石達開自知大勢之已去。識

天威之難犯。翩然歸命。稽顙投誠。則臣等招撫之法。當令其立功贖罪。獻城爲質。以大局言之。北岸安慶。南岸九江。該逆之所必爭也。以江西言之。瑞州臨江爲根本。

撫州吉安爲膏腴。亦該逆之所不肯輕棄也。能于此六城中獻一二城爲質。則可信其爲真心歸附。

國初之施琅黃梧。近日之張國樑。成章具在。臣等立即奏懇

鴻恩。糜以高位。優以厚祿。若不能獻城爲證。外稱歸義。內懷叵測。如阿睦爾撒納先降後叛之案。幾至不可收拾。臣等不敢貪招撫之虛名。弛防剿之實務。是否有當。伏乞

訓示。指授機宜。刻下瑞州奉新兩軍迭獲勝仗。剿辦甚

屬得手。周鳳山黃冕等之師初赴吉安。差稱勁旅。袁州新復。西路大有振興之機。水師則彭玉麟駐下游之吳城鎮。劉于鵬駐上游之樟樹鎮。均甚得力。惟撫建疊控東路空虛。等惟當嚴飭西路諸將恪遵諭旨。先圖攻克數城。使該逆無所憑藉。仰副聖主睠懷。南服拯民水火之至意。所有江西近日軍情。恭摺據實覆奏。伏乞皇上聖鑒訓示。施行。謹奏。

咸豐六年十一月十七日

報丁父憂疏

奏為微臣現丁父憂。恭摺馳報。仰祈

聖鑒事。竊臣于正月十七日。自省河拜摺後。即馳至奉新。督帶候補知府吳坤修一軍。同赴瑞州。四面合圍。開掘長濠。斷賊接濟。二月初四日。回省一次。與西安將軍臣福興巡撫臣文倭晤商大局。初九日。仍來瑞州。十一日。接到家信。臣父

誥封光祿大夫曾臣于二月初四日病故。臣係屬長子。例應開缺。丁憂。溯查臣自咸豐二年奉命典試江

西蒙 恩准假歸省親行至太和縣聞計丁母憂即由九江奔喪回籍甫經百日奉

旨飭辦團練時值武昌失守數省震動臣出而襄事摺

內聲明俟大局稍轉即當回籍終制具奏在案咸豐三

年冬間疊奉援鄂接皖肅清江面之命四年八月摺

內聲明臣係丁憂人員如稍立戰績無論何項褒獎

何項議敘微臣概不敢受辦理稍有起色即當奏明回

籍補行心喪等因具奏亦在案五年九月蒙

恩補授兵部右侍郎維時雖已服闋而臣之私心常以

未得在家守制為隱恨今又遽丁父憂計微臣服官二

十年未得一日侍養親闈前者母喪未能妥辦葬事今

茲父喪未能躬親含殮而軍營數載又過多而功寡在

國為一毫無補之臣在家有百身莫贖之罪椎胸自責

抱痛何極瑞州去家不過十日程途即日遵

制丁憂奔喪回籍一面由驛馳奏恭候

諭旨臣之胞弟曾國華出繼叔父為嗣現在瑞州軍營

即日交卸回里丁本生降服憂胞弟曾國荃現在吉安

軍營亦應奔喪回籍准撫建大股賊匪二萬餘人赴援

吉安連日與官軍大戰。雖屢獲勝仗。而我軍亦有傷。凶國莖之能否遄歸。尙未可知。伏查微臣經手事件。以水師爲一大端。著提督楊載福駐紮九江。所統外江水師十五營。道員彭玉麟駐紮吳城。所統內湖水師八營。計合船隻五百餘號。炮位至二千餘尊之多。此非臣一人所能爲力。臣在衡州時。僅奏明造船百六十號。岳州以下。雖陸續增添。而九江挫敗之後。水師中衰。其時回援湖北者。僅船百餘號。賴彭玉麟力支危局。胡林翼揚載福重廓規模。而又有廣東督臣購運洋炮。湖南撫臣督

率官紳廣置船隻子藥。于是外江之水師始振。陷入鄱湖者。亦僅船百餘號。賴江西巡撫及總局司道竭力維持。增修船炮。籌備子藥。于是內湖之水師亦振。合四省之物力。各督撫之經營。楊載福等數年之戰功。乃克成此一枝水軍。臣不過因大成事。豈敢無其實而居其名。惟臣因事離營。內外水軍。或分歧不定。相應奏明請旨。特派署提督楊載福總統外江內湖水師事務。惠潮嘉道彭玉麟。協理外江內湖水師事務。庶幾號令歸一。名實相符。楊載福戰功最偉。才識遠勝于臣。彭玉麟備

歷險艱有烈士之風伏乞

聖恩時加訓勵該二人必能了肅清江面之局仍請

旨飭下湖北撫臣胡林翼月籌銀三萬兩江西撫臣文

俊月籌銀二萬兩解交楊載福彭玉磨水師俾此軍不

以飢疲致潰則不特為攻剿九江湖口所必需即將來

圍攻金陵巡防長江亦必多所裨益此臣經手事件之

大端也白水師而外惟湘勇係同縣之人寶勇係久從

之卒于臣略有關係現在李續賓之湘勇駐紮九江精

勁樸實隱然巨鎮久在

聖明洞鑒之中劉騰鴻之湘勇普承堯之寶勇駐紮瑞

州嚴明勤謹足當大敵但使餉項少敷必能樹立功績

臣在軍中亦無所益即不在軍中亦無所損此外江西

水陸諸軍及各省援師自去歲以來皆由撫臣文俊與

臣會商調遣今臣丁憂開缺應由西安將軍福興與撫

臣會商辦理近日洪楊內訌武漢肅清袁州奉州等處

克復數城江西局勢似有旋轉之機惟臣猝遭父喪苦

塊昏迷不復能料理營務合無籲懇

天恩准臣在籍守制稍盡人子之心而廣

教孝之典。全家感戴。

皇仁實無既極。抑或賞假數月。仍赴軍營效力之處。聽候。

諭旨遵行。現在函商將軍福興巡撫文俊兩

臣酌請

人前來瑞州撫循各營將士。

臣拜摺後

即由瑞州奔喪

回里。除俟抵家後再行呈報外。所有

微臣

丁憂開缺緣

由理合由驛六百里馳奏伏乞

皇上聖鑒訓示施行謹 奏

咸豐七年二月廿六日

懇請終制疏

奏為瀝陳下情懇請終制仰祈

聖鑒事。咸豐七年二月初一日奉

上諭。曾國藩丁憂回籍。請派員督辦軍務一摺。曾國藩

丁父憂。前據駱秉章奏到。業經降旨賞假三個月。回籍

治喪。假滿後。着仍遵前旨。即赴江西督辦軍務。以資統

率等因。欽此。仰見我

皇上深仁渥澤。既俯鑒臣子之隱。曲示矜憐。復不棄鴛

下之材。曲加器使。凡屬旁觀。猶為感泣。矧在身受。能無

奮興微臣下情有不敢不瀝陳于

聖主之前者臣通籍時祖父母父母皆無恙在京十四年。在軍五年。堂上四人先後見背。生前未伸一日之養。沒後又不克守三年之制。寸心愧負。實為難安。前代及我

朝奪情之案。被人彈劾者。層見疊出。而兩次奪情。則從古所無。臣到籍以來。輾轉思維。欲終制則無以報吾君高厚生成之德。欲奪情則無以報吾親恩勤鞠育之懷。欲再出從軍。則無以謝後世之清議。欲不出則無以

謝患難相從之軍士。進退狼狽。不知所裁。伏查近日軍務我

皇上不動聲色。芟夷大難。潛移默運。實已挽回十分之七八。以大局言之。湖北蕩平。洪楊內亂。武漢肅清。水師精勁。迥非咸豐二三年氣象可比。以江西言之。西路克復十餘州縣。潯瑞吉臨。皆駐重兵。亦迥非上年春夏情形可比。自臣出營而後。又聞瑞州長濠日固。臨江四面合圍。吉安賊船焚燬一空。東路貴溪屢獲大捷。江西軍事漸有起色。得將軍巡撫兩臣辦理裕如。添臣一人未

必有益少臣一人不見其損臣恭聞邸抄上年大學士
賈楨丁憂

皇上賞假六個月令其回籍治喪旋因賈楨奏請終制
又蒙

諭旨允其所請並指明御史鄒峻杰傳聞之誤臣假期
將滿葬事未畢合無籲懇

天恩援照賈楨之例臣在籍終制感激
鴻慈實無既極微臣報

國心長治軍才短守制之日有限事


君之日無窮瞻望

北闕惶恐待

命所有瀝陳下情懇請終制緣由恭摺由驛五百里馳
奏伏乞

皇上聖鑒訓示遵行謹 奏

咸豐七年五月廿二日



籲請開缺疏

奏為恭謝 天恩仍籲請開缺恭摺仰祈

聖鑒事。咸豐七年閏五月十七日兵部火票遞到閏五月初五日內閣奉

上諭。曾國藩奏。懇請終制一摺。曾國藩在江西軍營。聞丁父憂。前經降旨賞假三個月。回籍治喪。俟假滿時。再赴江西督辦軍務。以示體恤。茲據該侍郎奏稱。假期將滿。葬事未畢。籲准在籍終制。會國藩本以母憂守制在籍。奉諭幫辦團練。當賊氛肆擾。皖鄂即能統帶船

勇墨經從戎數載以來戰功懋著忠誠耿耿朝野皆知伊父會麟書因聞水師偶挫又命伊子會國華帶勇遠來援應尤屬一門忠義朕心實深嘉尚今該侍郎以假期將滿陳請終制並援上年賈楨奏請終制蒙允之例覽其情詞懇切原屬人子不得已之苦心惟現在江西軍務未竣該侍郎所帶勇素聽指揮當茲剿賊喫緊亟應假滿回營力圖報效會國藩身膺重任更非賈楨可比著仍遵前旨假滿後即赴江西督辦軍務並署理兵部侍郎以資統率俟九江克復江面肅清朕必賞假

令其回籍營葬俾得忠孝兩全毫無餘憾該侍郎殫心事主即以善承伊父教忠報國之誠當為天下後世所共諒也欽此微臣自顧何人膺茲寵獎非分之榮惶悚無地臣父歆歆效忠既蒙頒賜賻銀復荷

溫語褒嘉當即焚香祭告宣讀

諭旨合家跪聆感激零涕伏念臣材識駑下本乏寸長

而事會所乘復多乖舛自咸豐三年初奉援鄂援皖之命維時吳文鎔總督鄂中係臣之座師江忠源巡撫皖

省係臣所保舉公義私情望援孔切書牘催促皆相勗以忠義期宏濟於艱危不圖臣甫出師而吳文鎔江忠源相繼殉難臣亦旋有岳州之敗靖江之挫厥後憑仗天威水陸東征岳鄂蕪黃長驅席卷謂可成破竹之勢不圖舟師挫於湖口陸師挫於北岸遂有武昌再陷之變五年秋聞九江南康水陸安穩又分湘勇回援湖北軍勢尚沛然而有餘不圖塔齊布羅澤南相繼淪謝而兩路倥賊適於其時竄入江西腹地局勢為之大震聲威亦為駁滅六年因守江西備極艱險冬春之間西路

克復十餘州縣漸有轉機臣進駐瑞州開掘長濠甫經合圍不圖又有聞訃丁憂之耗材智本極庸愚事機復多不順臣每獨居深念常恐福分淺薄終不能立功以報

聖明於萬一所為聞白感傷者也計湖南一軍有功可言者往年則陸路塔羅水路楊彭久立聲績近年則李續賓力振湘軍而劉騰鴻李元度亦有撐持堅忍之力臣因人成事毫無功效屢經具奏在案諭旨戰功懋著之褒讀之惶悚流汗在

聖主善善從長。或姑為過情之譽。以試將來。在微臣循
 名責實。又何敢掠人之美。以為已有。至楚軍素聽指揮。
 一節。查湖南練勇。昔年猶有見賊逃遁。懷鄉思歸之事。
 近則閱歷極久。膽氣皆壯。輕賊匪之伎。兩募武平
 天家之官爵。以投營為名利兩全之場。以戰陣為日用
 常行之務。湘中勇夫。赴江西湖北投效者。絡繹不絕。父
 缺子代。此往彼歸。較之臣初募練之時。風氣迥不相同。
 但使稍給口食。即可靜聽指揮。臣二月聞訃之初。亦慮
 將士相從日久。恐難驟離。而他屬自出營而後。各路安

謐如常。吉安臨江屢獲勝仗。將軍福興至瑞州。視師一
 次。巡撫者齡遣員至瑞州犒賞一次。各營皆歡欣踴躍。
 樂為用命。可見士無常親。惟撫馭者是親。不必楚人而
 後能用楚眾也。我

皇上器使庸材。嘉矜並至。於有過直罰之時。曲賜
 恕。原於無善可錄之中。曲加
 獎借。既荷

溫語寵荅。復蒙
 飭署兵部侍郎。以資統率。臣伏念丁憂人員。未開實缺。

寸心終抱不安。衰經從事。明臣黃道。周目為凶。醜不祥之人。沉臣兩遭親喪。自度不祥之身。決非宏濟時艱。挽回大局之象。合無籲懇。

天恩俯准。開除兵部侍郎缺。感激。

皇仁實無既極。除將微臣辦事情形。同日另奏外。所有

恭謝。

天恩並籲請開缺緣由。恭摺由驛五百里馳奏伏乞

皇上聖鑒訓示施行謹 奏

咸豐七年六月初六日

懋陳辦事艱難疏

奏為微臣辦事艱難。終恐貽誤。籲懇終制。恭摺仰祈

聖鑒事。竊臣謬廁戎行。與聞軍事。仰蒙

聖慈垂注。

疇載恩深。凡有奏請。多蒙

俞允。卽有過失。常荷

宥原。遭逢

聖明。得行其志。較之古來疆場之臣。掣肘萬端者。何止

霄壤之別。惟以臣之愚處臣之位。歷年所值之時勢。亦

有艱難情狀。無以自申。不得不畧陳于

聖主之前。定例軍營出缺。先儘在軍人員拔補。給予劄

付。臣處一軍。概係募勇。不特參游都守以上。無缺可補。

卽千把外委。亦終不能得缺。武弁相從數年。雖保舉至

二三品。而充哨長者。仍領哨長額餉。充隊目者。仍領隊

目額餉。一日告假。卽時開缺。終不得照綠營廉俸之例。

長遠支領。弁勇互生猜疑。徒有保舉之名。終無履任之

實。或與巡撫提督共事一方。隸人衙門。則挑補實缺。隸

臣麾下。則長生缺望。臣之奉有統兵之旨。歷年在外。不

敢奏調滿漢各營官兵實缺之將領。太少。大小不足以

相維。權位不足以相轄。去年會籌江西軍務。偶欲補一

千把之缺。必婉商巡撫。請其酌補。其隸九江鎮標者。猶

須商之總兵。令其給予劄付。雖居兵部堂官之位。而事

權反不如提鎮。此辦事艱難之一端也。

國家定制。各省文武黜陟之權。責成督撫。相沿日久。積

威有漸。督撫之喜怒。州縣之榮辱。進退繫焉。州縣之敬

畏督撫。蓋出于勢之不得已。其奉承意旨。常探乎心之

所未言。臣辦理軍務。處處與地方官相交涉。文武僚屬

大率視臣為客視本管上司為主賓主既已歧視呼應斷難靈通防剿之事不必盡謀之地方官矣至于籌餉之事如地丁漕折勸捐抽釐何一不經由州縣之手臣營抽釐之處而州縣故為阻撓或臣營已捐之戶而州縣另行逼勒欲聽之則深慮事勢之窒礙欲懲之則恐與大吏相齟齬錢漕一事小民平日本以淨收為苦近年又處積困之餘自甲寅冬間兩路悍賊竄入江西所在劫掠民不聊生今欲于未經克復之州縣徵收錢漕勸諭捐輸則必有勁旅屯駐以庇民之室家而又或

擇良吏以恤民隱或廣學額以振士氣或永減向日之淨收或奏豁一年之正課使民感惠于前倖澤于後庶幾屢捐而不怨竭脂膏奉公上而不以為苦然此數者皆巡撫之專政臣身為客官職在軍旅于勸捐擾民之事則職分所得為于吏治學額減漕豁免諸務則不敢越俎代謀縱欲出一剗刪詳明之告示以儆官邪而慰民望而身非地方大吏州縣未必奉行百姓終難見信此辦事艱難之一端也臣幫辦團練之始仿照通例鑄刻木質關防其文曰

欽命幫辦團防查匪事務前任禮部右侍郎之關防咸豐四年八月臣剿賊出境湖南撫臣咨送木印一顆其

文印

欽命辦理軍務前任禮部侍郎關防九江敗後五年正

月換刻

欽差兵部侍郎銜前禮部侍郎關防是年秋間又換刻

欽差兵部右侍郎之關防臣前後所奉援鄂援皖籌辦

船砲肅清江面諸

諭皆係接奉廷寄未經明降

諭臣外間時有譏議或謂臣係自請出征不應支領官

餉或謂臣未奉

明詔不應稱

欽差字樣或謂臣曾經革職不應專摺奏事臣低首茹

歎但求集事雖被侮辱而不辭迄今歲月太多關防之

更換太多往往疑為偽造釀成事端如李成謀戰功卓

著已保至參將矣被刑辱于芷江縣出示以臣印札而

不見信周鳳山備歷艱辛已保全副將矣被羈押于長

汀縣亦出示以臣印札而不見信前福建巡撫呂佺孫

會專函馳詢臣印不符之故。甚至指生領臣處之實收。每爲州縣猜疑。加之詞訊。或以爲不足據。而勒令續捐。今若再赴軍營。又須另刻關防。歧舛愈多。憑信愈難。臣駐扎之省營。次無定。間有部頒緊要之件。亦不徑交臣營。四年所請部照。因久稽而重請。六年所請實官執照。至今尚無交到。確耗此文員之憑。武官之劄。皆由督撫轉交。臣營常遲久而不到。軍中之事。貴取信如金石。迅速如風霆。而臣則勢有所不能。斯又辦事艱難之一端也。茲三者。其端甚微。關係甚鉅。以臣細察今日局勢。非

位任巡撫。有察吏之權者。決不能以治軍。縱能治軍。決不能兼及籌餉。臣處客寄虛懸之位。又無圓通濟變之才。恐終不免貽誤大局。凡有領軍之責者。軍覆則死之。有守城之責者。城破則死之。此天地之常經。古今之通義。臣講求頗熟。不敢踰閑。今楚軍斷無覆敗之患。省城亦無意外之虞。臣赴江西無所容其規避。特以所陳三端艱難情形。既如此。而奪情兩次。得罪名教。又如彼。斯則宛轉縈思。不得不泣陳于聖主之前者也。臣冒昧之見。如果賊勢猖狂。江西危迫。

臣當專摺馳奏請赴軍營以明不敢避難之義若猶是目下平安之狀則由將軍巡撫會辦事權較專提挈較捷臣仍籲懇

天恩在籍終制多守數月盡數月之心多守一年盡一年之心出自


聖主逾格鴻慈不勝惶恐待

命之至所有瀝陳辦事艱難仍籲懇終制緣由恭摺馳

奏伏乞

皇上聖鑒訓示施行謹一奏

咸豐七年六月初六日



酌擬報銷疏

奏為酌擬報銷大概規模請

旨飭部核議恭摺奏祈

聖鑒事竊臣處一軍未經奏派大員綜理糧台亦無專

司之員始終其事初在衡州造船募勇目昧從事條理

未精厥後越境剿賊用銀漸多歷時漸久所募概係勇

丁將領多係紳士官事非其所嫻冊報間有未備而又

與湖南湖北江西三省總局相交涉有先在臣處糧台

領餉而後在他處支領者有本在臣處領餉而他處亦

時爲接濟者。又有由江援鄂。由鄂援江。忽分忽合。中間
並無餉可領者。臣處辦理報銷。比他軍尤覺散漫難清。
臣之愚見。擬將統轄較多者。分爲數大款。將臣處領餉
之月日。及他處領餉之月日。先行具奏。俾眉目清楚。
起訖分明。庶免轆轤混淆之弊。亦無重複開報之虞。如
塔齊布所統爲一款。該提督所帶道勇寶勇等。于咸豐
四年二月在臣處糧台支餉。其所帶撫標等兵。仍在湖
南省局支餉。在通城湘潭岳州皆係如此辦理。四年閏
七月初二日。岳州賊退。塔齊布出境追剿。其所帶全軍。

應自閏七月初三日起。至五年七月二十日止。概由臣
處糧台報銷。二十一日以後。歸入周鳳山項下。接算羅
澤南所統爲一款。該員所帶湘勇。自成豐三年臘月隨
臣同赴長沙。嗣後年餘。均在省局領餉。自四年閏七月
初三日起。直至五年十二月二十八日。由江西抵湖北
洪山之日止。應歸臣處糧台報銷。其二十九日以後。卽
應歸湖北總局報銷。楊載福所統水軍爲一款。該鎮自
咸豐三年十一月衡州造船起。至五年正月初五日止。
應歸臣處糧台報銷。其因病離營。再出統帶水師。則由

湖北湖南報銷彭玉麟所統為一款該員自三年十一月衡州造船起至五年正月由九江赴援湖北尚在臣轉運局支餉擬截至四月三十日止歸臣處報銷五月初一日以後則歸湖北總局報銷是冬調赴江西自十
 二月起至六年臘底止仍歸臣處報銷七年正月以後則歸江西總局報銷李孟羣所統為一款該司經臣咨
 調由廣西來楚自四年六月初八到長沙之日起至五
 年正月初三由九江赴援湖北之日止應歸臣處糧台
 報銷此後則歸湖北報銷李元度所統為一款該員自


五年正月在南昌募勇起至六年臘月三十日止應歸臣
 處糧臺報銷七年以後則歸江西省局報銷周鳳山
 所統為一款該將自咸豐三年九月剿辦長甯道州土
 匪即在臣處支餉自四年二月至五年七月應併入塔
 齊布款下核算自七月廿一日接統潯營全軍起至六
 年九月止應歸臣處糧臺報銷其再由長沙募勇援剿
 吉安則歸湖南江西報銷以上七款皆為日較久用銀
 較多交涉各省宜分別界限者也此外水陸兩軍營數
 尚多或先分後併或因敗撤遣與各省並無交涉者將


不彙冊報部不必先行瑣陳又如李續賓蔣益澧前在
臣軍年餘擬卽併入羅澤南款下核算厥後該員各統
一軍則歸湖北等省報銷又如臣弟曾國華曾國荃或
自武昌赴援瑞州或自長沙赴援吉安在臣處領餉甚
少應歸江西等省報銷凡此皆出款之大概規模也至
若經手人員臣在衡州時出入銀錢多係自行經理委
員卽補同知陶壽玉檢點賬目四年二月至長沙委員
候補知府李瀚章筭理收支事件七月由岳州赴鄂于
長沙設立後路糧臺派湖南卽用道裕麟湖北記名道

厲雲官司其事其水陸行營收支事務則李瀚章及江
監同知鄭德基主之九月以後于漢口設立轉運局派
禮部員外郎胡大任司其事五年駐軍南康于南昌設
立後路糧台派禮部員外郎甘晉及李瀚章司其事六
年十二月撤毀糧台自七年正月起歸併江西省局司
道辦理除鄭德基業經病故外其裕慶厲雲官胡大任
甘晉李瀚章陶壽玉六員現在分處兩湖江西安徽四
省俟江西軍務將畢卽行設局飭該六員爲臣辦理報
銷事件遵照定式造冊送部大約水陸數年之餉精砲

船各廠之經費。通共用銀在三百萬兩內外。勾稽尙易。完竣。惟是該六員者。並非總理。本無專責。自始至終。皆係窮窘之境。勸捐挪墊。委曲維持。或因敗挫。迸散奔走。于危地。或因困乏。屢展受侮。不弁兵。清廉將事。艱苦備嘗。而九江一敗。又有燒劫餉船遺失文卷之事。將來如有款目不符。着賠追繳之事。皆係臣一身承認。不與該六員相干。是否有當。謹擬大概規模。請旨。筭下該部核議。理合具摺送交江西撫臣附奏。伏乞皇上聖鑒訓示施行。謹奏。

咸豐七年十二月初七日





湖口九江建祠疏

奏為湖口建立昭忠祠九江建立提臣塔齊布祠請旨飭部核議恭摺仰祈

聖鑒事竊臣國藩于咸豐二年在衡州製造戰船設立

水師四年越境剿賊自湘潭以至九江焚燒賊艦萬餘

事機甚順旋以湖口之挫戰船半入內湖半阻江外其

在江外由彭玉麟帶領回援武昌復經湖南撫臣製造

船砲交臣楊載福募勇會同援鄂苦戰兩年再克武漢

湖北撫臣胡林翼經營恢廓外江水師遂增至一十八

營其在內湖者初僅戰船百零七號臣國藩入南昌後會同江西撫臣添置船砲札調彭玉麟來江統帶內湖水師亦增至二百餘舟七年二月臣國藩丁憂回籍請旨特派臣楊載福總統外江內湖水師事務彭玉麟協理外江內湖水師事務仰蒙聖恩允准九月內會同規取湖口臣玉麟攻其內臣載福攻其外臣李續賓亦以陞師從山後抄擊立將湖口克復自是而逆舟之精銳客盡九江之賊勢益孤矣仰荷

聖主威福合三省之物力成此一支水師上下三千里舳艫不絕旌旂相望臣楊載福復進剿舊縣一次進剿蕪湖一次肅清江面之局大致粗定惟是數年以來弁勇出入于砲子如雨之中挺身殉難鬱爲國殤合計陣亡傷亡不下三千餘人其有雖死而冊名偶遺及大風覆舟而溺死失火藥箱而焚死者均不在此數中臣楊載福與彭玉麟會商就湖口石鐘山上建祠一所合祀水師陣亡各員弁勇丁名曰水師昭忠祠上以體聖主褒崇忠義之意下以動各營觀感奮發之心彭玉

麟雷防湖口就近監修分別正祀附祀刊刻木主依次列入此湖口建立水師祠宇之原委也前提臣塔齊布署湖南撫標守備時已毅然有殺賊立功之志湘潭一役以千餘新集之師當數萬方張之賊楚軍之勇敢實倡于此大局之轉機亦始于此達渥荷聖恩超擢提督涅臂刺字精忠報國轉戰岳州武昌大治興國田家鎮廣濟黃梅等處身先士卒所向有功祇以九江一郡未能速下出憤填膺鬱憂成疾日對孤城竟以身殉本年四月水陸諸軍克復九江該處士民及

在營弁勇語及塔齊布當時遺憾無不感歎流涕異口同聲公請建立專祠並附祀陸師陣亡各員弁以報功而示勸已就郡城隙地擇期興工名曰塔忠武祠臣李續賓委員監修其附祀之員弁勇丁確切查明刊刻木主依次列入此九江建立塔齊布祠宇之原委也臣國藩欽奉諭旨馳赴浙江經歷九江湖口見兩處祠宇俱已將次工竣瞻拜爭趨往來相屬廣盛世褒忠之典卜斯人向善之忱伏思

皇上眷念盡臣

恩施逾格凡茲效命疆場之上悉本

朝廷鼓舞而成臣等不揣冒昧籲懇

天恩敕下該部九江湖口兩祠宇照各府昭忠祠之例

飭地方官春秋致祭示

聖朝褒忠勸善之道或亦足以裨補于萬一謹會同湖

廣督臣官文湖北巡撫臣胡林翼江西巡撫臣耆齡恭

摺附驛具奏伏乞
皇上聖鑒訓示施行謹 奏

咸豐六年八月十二日

湘鄉建忠義祠疏

奏為湘鄉縣城建忠義祠彙祀陣亡員弁勇丁恭摺仰祈
聖鑒事。竊臣國藩于咸豐二年十二月奉

旨幫辦湖南團防時長沙解圍未久撫臣張亮基札調

湘勇千人臣國藩率同羅澤南王鑫劉蓉羅信南數人

督帶湘勇赴省仿照前明戚繼光之法編束隊伍練習

胆技當經縷晰奏明在案三年二月衡山土匪曹殿李

躍搆亂于草市派劉長佑王鑫前往剿滅是為湘勇殺

賊立功之始五月十八日江西省城被圍前安徽撫臣

江忠源由九江入守登陴守禦飛書請援臣國藩會商
湖南撫臣招募湘勇二千楚勇一千配以三廳兵八百
人赴江救援其監護軍行者則有夏廷樾郭嵩燾朱貽
孫羅澤南其管帶湘勇之員則有謝邦翰易良幹羅信
南康景輝楊虎臣等而羅澤南亦自帶一軍七月二十
日軍至南昌二十四日封進兵太銳先勝後挫謝邦翰
易良幹及羅澤南之弟羅信東等同時陣亡此湘勇出
境剿賊帶勇紳士力戰捐軀之始也臣續賓時在謝邦
翰營中幫辦營務謝邦翰沒後遂接帶斯營臣國藩時

在衡州聞援軍挫衄之信倡議于湘鄉建立祠宇祀謝
邦翰易良幹及在江殉難之人此後如有死事員弁以
次附祀名曰忠義祠四年冬閣祠工告竣數載以來湘
勇援鄂援江援廣東援廣西幾無虛日今臣國藩復奉
命援剿閩浙臣續賓奉

命援剿皖豫統計湘勇之出境征伐者不下六七萬人
員弁勇丁之陣亡傷亡者亦不下五千餘人其間死事
最著者羅澤南殉節于武昌王鑫盡瘁于樂安劉騰鴻
效命于瑞州羅澤南奉

諭旨于三省建立專祠王鑫奉

旨于兩省建立專祠自應于本縣各建一祠劉騰鴻奉

旨于瑞州建立專祠亦應推廣

皇仁建祠本縣此外殉難各員如李杏春宣勤最久而

勳名未彰鍾近衡死綬最先而郵典尙闕及其他營官

幫辦哨弁死難之人或慷慨以赴敵或力窮而就義均

應彙入總祠上以體

盛世褒忠之意下以勵湘人觀感之誠本年六月臣國

藩于役浙省經過縣城周覽舊立祠宇規模狹小附祀

之主無可安設思欲稍加廓大行次黃州晤臣續賓商

議意見相同臣等擬即倡捐銀兩擇交邑紳就四年所

修之祠添購基地重加修葺凡陣亡將領弁勇分別正

祀附祀刊刻木主依次列入合無籲懇

天恩敕下部議湘鄉縣所建忠義祠准照各府昭忠祠

之例飭地方官春秋致祭於

聖朝褒忠勵節之道或亦不無小補所有湘鄉縣捐建

忠義祠緣由謹會同湖南撫臣駱秉章恭摺附驛具奏

伏乞

皇上聖鑒訓示施行謹奏

咸豐八年八月十二日

移師援閩疏

奏爲遵旨移師援閩擬從崇安進勦敬陳現在賊情軍勢恭摺奏祈

聖鑒事竊臣六月十六日長沙拜摺旋于二十四日行

抵武昌與督臣官文撫臣胡林翼籌商轉運事宜七月

初四日抵蘄水縣屬之蘭溪晤巡撫銜浙江布政司臣

李續賓商調所部總兵銜副將朱品隆前營湘勇五百

名副將唐義訓強字營湘勇五百名隨同援勦十二月

抵湖口晤福建水師提督楊載福布政司銜廣東惠潮

嘉道彭玉麟定議于該處設立轉運局。臣在湖口患病。四月二十一日行至南昌。與江西撫臣耆齡等商進剿機宜。二十三日疊據廣信探報。偽國宗楊逆帶大股賊數萬從福建浦城竄出。二度關圍攻廣豐玉山二縣。廣信各屬戒嚴。臣卽于二十四日起程馳援東路。途次承准軍機大臣字寄。七月初十日奉

上諭。本日據和春何桂清趙德轍奏福建情形危迫。請飭會國藩改道馳援一摺。前因浙江軍務緊急。諭令會國藩赴浙剿辦。現在衢州業已解圍。處州等府縣亦相

繼克復。境內餘匪不難剋日肅清。惟閩省浦城崇安建陽松溪政和等處賊勢蔓延。亟應趕緊剿辦。和春等現飭總兵周天培于援浙兵勇內挑選精銳數百名。由龍泉一帶進剿。饒廷選帶漳州兵勇亦馳往浦城。會國藩業已奏報起程。著卽以援浙之師由江西鉛山直搗崇安。相機進剿。迅將閩省各匪一律掃除。毋稍延誤。會國藩赴閩援剿所需軍餉。着官文等仍遵前旨。由湖南北按月籌銀各二萬兩解赴會國藩軍營以資接濟。將此由六百里各諭令知之。欽此。旋接准部咨。七月二十日

內閣奉

上諭和春奏浙江軍務平定請

旨可否毋庸赴浙等語浙江被陷郡縣現經周天受督兵先後克復全境漸就肅清和春着毋庸前赴浙江總兵李定太前令幫辦和春軍務此時周天受等會剿竄閩各匪着統歸會國藩調度會國藩未到以前卽歸慶端調度欽此又七月二十二日內閣奉

上諭周天受奏浙江軍務將次完竣擬卽帶兵前往福建助剿等語署福建漳州鎮總兵周天受着加恩賞還

提督銜卽着馳往福建與周天培饒廷選張騰蛟等分路進剿俟前任侍郎會國藩到後卽歸會國藩調度欽此伏思浙境旣已肅清其自浦城竄犯廣豐玉山之僞國宗楊逆復經官軍擊敗竄往德興婺源一路而去臣同日另摺具奏其現擾閩境者疊據探報僞翼王石達開尙屯踞崇安縣境之星村黎源一帶地方及建邵各屬總兵周天受周天培等已入浦城又據九江道沈葆楨候選道李元度稟稱訊據賊供僞國宗楊輔清與石逆共帶賊黨十餘萬楊逆先踞浦城石逆自衢處敗竄

入闕窺犯延平等處。本年五月內楊逆仍假楊秀清偽號自稱東殿石逆妬之互相仇殺。楊逆遂帶賊六七萬棄浦城而出犯廣豐玉山分道而馳石逆尙有七八萬眾盤踞閩省各屬未能測其所向各等語。臣于八月初六日行抵湖口准前奉

諭旨卽日親督兵勇由鉛山人分水關直搗崇安由崇安而東北可出小關仙霞嶺仍趨廣豐玉山一路以達于皖境由崇安而南則有三徑東路出建陽葉坊以至延平府西路出光澤龍湖以至建甯縣中路出麻沙擊

口而至將樂則可達于汀州而遁入廣東矣現在署督

臣慶端駐紮延平東路當可無虞西路各境在在與江

西毗連現經撫臣耆齡調派布政司銜江西候補道劉

長佑一軍由撫州移防新城瀘溪嚴拒杉關等隘口或

無回竄江西之慮其或北歸皖省併入賊黨南回廣東

仍返老巢均在意中目前未與接仗不能遽測其所之

俟抵崇安後探確賊踪再行縷晰具奏所有遵

旨援閩卽日由崇安進兵並現在賊情軍勢恭摺由驛

六百里馳奏伏乞

會文正公奏疏卷三
皇上聖鑒訓示施行謹 奏

咸豐八年八月十二日



遵 旨斟酌具奏疏

奏為遵 旨覆奏仰祈

聖鑒事竊臣分調官軍追剿閩省竄賊並移剿景德鎮股匪業將辦理情形于十一月二十六日恭摺馳奏在案二十八日承准軍機大臣字寄十一月十一日奉上諭駱秉章奏楚軍失利閩賊漸遠請飭會國藩移師援皖一摺李續賓一軍進攻三河全軍失陷至今尚無下落都興阿圍攻安慶之師亦經撤回宿松一帶皖北賊勢鴟張楚省邊防喫緊諒會國藩亦必有探報此時

閩省之賊已南趨漳泉距江西漸遠若照駱秉章所請令該侍郎移師赴皖而雷蕭啟江所部四千餘人防守江西亦未始非權衡緩急之計惟曾國藩所部多染病疫前奏尙須休息且景德鎮尙有大股逆匪隨剿隨進亦非計日可到著曾國藩豫爲籌度如果閩省賊匪本省兵勇足資剿辦而江西邊境防剿有人自以赴援皖省尤爲緊要不但廬州省城可收南北夾攻之效卽上竄湖北之路亦可藉資堵扼倘因汀州甯化等處尙須兵力一時不能移軍或須俟景德鎮股匪殲除再回楚

北亦着斟酌具奏將此由六百里諭令知之欽此臣伏查近日賊勢以皖江南北兩岸爲最重皖南約分兩路中隔大江如彭澤之浩山祁門之歷山績溪之彰山以及黃山九華皆此一山之所綿亘自山以北如貴池銅陵下至蕪湖當塗濱江各屬自咸豐三年以來久爲粵匪出沒之區自山以南現惟婺源景德鎮兩處有賊兩處之賊不除則饒廣徽衢四府時時可危若能驅馳兩處之賊逐出山外歸併江邊則江浙兩省防務皆鬆而皖南亦有一條鞭之勢辦理較易得手皖北約分兩路

中隔一湖周圍四百餘里名曰巢湖自湖以南如安慶無爲巢縣和含各屬久爲粵匪盤踞之所自湖以北如廬洲蕪陽以及淮北各屬則粵匪與捻匪錯雜紛擾幾至汗漫而不可收拾前此都興阿之師由石牌進攻安慶勢趨湖南卽臣五年二月摺內所稱外一路者也李續賓之師由舒桐進剿廬州勢趨湖北卽臣五年摺內所稱內一路者也自十月中旬三河桐城相繼挫敗安慶撤圍湘軍死者逾五千人士氣大傷逆氛日熾皖北賊勢之浩大實倍甚皖南逮十一月初將軍都興阿總

兵鮑超屢獲勝仗湖廣督臣王文分派各軍防堵要隘撫臣胡林翼聞警起復馳赴李續賓營中重加整頓楚皖之交人心漸定而皖南自營泄黃池之變戴文英鄧紹良先後殉難亦恐其悉力上竄合景德鎮之股匪擾及湖口窺伺九江以臣愚見論大局之輕重則宜并力江北以圖清中原論目前之緩急則宜先攻景德鎮以保全湖口臣于前月二十六日奏明後卽札張運蘭一軍于臘月初二日自建昌啟行馳剿景德鎮計十四五日可以接仗臣亦擬于正月初旬移駐鄱陽彭湖等處

會... 聯絡水師先固南岸屏蔽九江與宿松都與阿等營不
過一江之隔百餘里之遙如果北岸有警亦可就近策
應至


諭旨垂詢閩省賊匪江西邊防一節查福建之汀州甯
化次第收復僅連城有賊為數無多臣前摺業經奏明
本省兵力尙足以資剿辦聞賊之回竄江西者臣前次
奏明盡入信豐及南安府界中頃接稟報南安被圍信
豐之賊亦尙未退蕭啟江所部病勇新愈臣已飭其迅
速剿賊將來此股賊匪或久擾南贛或分竄楚粵蕭啟

江一軍或隨臣北行或雷防南路俟賊踪既定相機下
遣續行具奏所有遵

旨斟酌具奏緣由恭摺由驛五百里馳奏伏乞

皇上聖鑒訓示施行謹奏

咸豐八年十二月十一日



通籌全局仍請添練馬隊疏

奏為遵旨通籌全局并陳近日軍情仍請添練馬

隊以圖進取恭摺奏祈

聖鑒事竊臣才識短淺何足以規畫全局就近處數省

而論安徽軍務最為吃重江西次之福建又次之皖南

中界一山皖北中界一湖兩路賊勢臣前疏已詳晰具

奏近聞福建之賊尙踞連城江西之賊竄入南安贛州

戒嚴定南崇義相繼失守以臣愚見連城之賊閩省兵

加足以了之南贛之賊人數尙多悍者較少非一枝客

軍所能猝辦。必須本省兵力輔以團練。方可徐起有功。惟安徽賊眾。其氣甚惡。其患方長。大凡官軍與賊。此消則彼長。彼消則此長。斷無中立之理。我能進而剿賊。則賊將竭。力禦我不能進而剿賊。則賊將乘隙犯我。旁出四溢。皖南無進剿之師。則賊必南犯。浙江皖北無進剿之師。則賊必北犯。齊豫故就一隅觀之。則江西之南贛。福建之連城。均是賊黨。均須兵力。不可舍近而圖遠。將全局觀之。則兩利相形。當取其重。兩害相形。當取其輕。賊善舍小而圖大。舍其枝葉而圖其根本。誠使大

江兩岸。各置重兵。水陸三路。鼓行東下。剿皖南則可分金陵之賊勢。即可紓浙江之隱憂。剿皖北則可分廬州之賊勢。即可紓山東河南之隱憂。方今湖北全省肅清。然與皖省處處緊接。防不勝防者。莫如湖北。據賊上游之勢。能制皖賊之死命者。亦莫如湖北。臣與官文胡林翼等熟商。就現在之光景。稍加恢廓。北岸須添足馬步三萬人。都與阿李續宜鮑超等任之。中流現有水師萬餘人。楊載福彭玉磨等任之。南岸須添足馬步二萬人。臣率蕭啟江張運蘭等任之。三道並進。夾江而下。幸而

得手進占十里則賊蹙十里之勢進占百里則賊少百
里之糧即不甚得手而上游之勢既重下游之賊不得
不以全力禦我其于金陵廬州兩大營均足以抽釜底
之薪而增車外之軸此遵

旨通籌全局宜併力大江兩岸之微意也至臣處近日
軍情蕭啟江一軍自石城拔營南赴雩都據稟南贛各
屬賊踪蔓延勢難兼顧臣批令專救贛州以保要郡不
必旁顧他處張運蘭一軍自臘月十七日馳赴景德鎮
十九日吳國佐小挫一次二十七日張運蘭大勝一次

開仗情形由臣另摺具奏贛州居江西之極南景德鎮
居江西之極北相距于有餘里臣駐建昌距兩軍各五
六百里調度不靈轉運不便且兩處皆孤軍深入賊眾
兵單日夜焦思無兵可濟臣前次摺尾聲明蕭啟江之
軍或畱防南路或隨臣北行容俟續行具奏近日詳加
體察顧此則失彼顧彼則失此與其懸心兩地不如專
加一方已咨商江西撫臣耆齡請其調勁旅以剿南贛
兼辦團練以散脅從臣即專辦北路調回蕭啟江一軍
歸併饒州彭湖等處在江西則臣管北路耆齡管南路

在皖省則臣攻南岸都興阿攻北岸地有分防斯職無
旁貸師有定向斯軍無二心免致到處牽掣一無所成
此臣處近日軍情擬調蕭啟江并赴北路之微意也臣
往日在軍未聞賊匪能用馬隊近聞賊匪常以馬隊衝
鋒捻匪則馬隊尤多李續賓三河之敗卽係馬賊數千
爲湘軍向來所未見昨吳國佐景德鎮之挫亦爲賊馬
所眩今欲整頓陸軍不得不添設馬隊東三省馬隊勁
旅根本所在不敢多爲奏調臣與湖廣督臣撫臣緘商
擬由官文等奏調察哈爾馬三千匹請


旨飭上駟院押解來南潁毫一帶有善騎之勇可募名
曰馬勇卽添練馬隊二千餘騎與都興阿之舊隊相
輔而行于九江湖口等處擇平地曠野馳騁而操習之
惟以南人而騎北馬以勇丁而學弓箭非倉猝所能奏
效臣願竭數月之力朝夕講求從容訓練期于成熟而
止練成之後以二千匹交江北隸都興阿麾下以五百
匹交江南隸臣麾下以壯步軍之氣而寒賊眾之心餘
贖馬匹游牧于黃州鞍轡等具設局于九江以備隨時
更換之用仰仗

皇文正公奏議卷三
皇上威福前事若行皖豫等省軍務可期起色此添設
馬隊臣願自任訓練之微意也湖自咸豐六年洪楊內
亂湖北肅清武漢再克臣方慶幸以爲大難計日可平
不謂遷延歲月粵逆未盡捻逆復興餉項有不支之勢
將士有久疲之心若非奮發精神變換局面將有類乎
古人所謂惰氣歸氣者不得不改絃更張亟思所以振
之區區愚忱謹就近三省軍事遵
旨統籌全局恭摺覆奏伏乞
皇上聖鑒訓示謹奏

咸豐九年正月廿一日

皇文正公奏議卷三

奏



道員雷營片

再按察使銜記名道翰林院編修李鴻章咸豐三年奉
 旨隨同工部侍郎呂賢基辦理安徽團防嗣經提臣和
 春安徽撫臣福濟奏雷營襄辦一切在事日久懋著
 勤勞七年九月福濟奏報該員丁父憂服闋俟經手事
 件料理完竣給咨回京供職欽奉
 俞旨_○在案該員皖營經手事竣于上年冬間來江西省
 母後即欲回京臣因該員久歷戎行文武兼資堪以雷
 營襄辦昨因添兵助攻景德鎮檄李鴻章會同會國荃

會方工公奏請卷三
等前往督辦理合附片

奏
聞伏乞

皇上聖鑒謹

奏
咸豐九年五月廿六日

奉到防蜀

諭旨疏

奏為奉到防蜀

諭旨恭摺覆奏仰祈

聖鑒事

竊

臣添調五千人攻景德鎮派總兵饒廷選換

防廣信于五月廿八日馳奏在案

伏查

臣

部下除蕭啟

江之五千人援勦湖南外其張運蘭之三千七百人上

年臘月即調攻景鎮屈蟠之平江營千人本年三月復

調防湖口

昨派

臣

弟國奎帶五千八百人赴鎮協勦

臣

身邊並未畱一卒一兵

撫州老營惟湘後及昇字兩營

二千餘人均由省局發餉不歸

臣

處調遣聊假虛聲以

坐鎮要郡耳。曾國荃等抵鎮後，移營進逼。五月二十六
二十八六月初二等日，均獲勝仗。惟賊多且悍，能否即
破堅巢，尚無把握。然兵屢添而愈多，營屢逼而愈近。以
機勢而論，可期得手。今若改圖入蜀，將楚軍全行墩退，
則饒防僅劉于醕一軍，不能扼截東路。賊必乘虛內竄，
北而彭澤湖口，南而撫州、建昌，均慮難支。是未保將危
之四川，先棄甫定之江西。臣函商巡撫耆齡，臣復書
囑畱朱品隆、王文瑞、屈蟠三千人助攻景鎮。臣所部僅
此數將，若畱以防江，更難入蜀。再四思維，實覺顧此失

彼有碍大局

諭旨飭令李定太守饒州，饒廷選守撫州，彭玉麐守九
江等。因查彭玉麐現扎湖口，尚可兼顧九江。饒廷選初
赴廣信，係屬三省要區，碍難他調。李定太專防衢州，係
屬浙省門戶，能否來江，應由撫臣耆齡奏咨。俟一月以
後，始可定局。景德鎮能否攻克，一月以後，亦可定局。目
下尙當竭力攻勦，不宜徑退。以長凶鋒。此臣處一軍難
遽拔隊西行之情形也。自本年賊擾湖南，永祁被圍，湘
勇在江西者，各懷內顧之憂。近日寶慶危急，距湘鄉不

過百里奔勇瞻顧身家歸思尤切徒以景鎮喫緊不准告假一旦拔隊征蜀道經楚境必且紛紛請假勢難禁止凡勇之弊敗挫則不知歸伍久征則常思還家不獨湘勇為然各省均坐此弊勇之不如額兵者在此臣丁巳年奏疏深以弁勇不能補都守千把實缺為慮者亦職此也今攜湘勇直上夔州水路三千餘里風濤之惡三峽之險程途太遠人地大生竊恐弁勇未必樂從即使多方開導樂于西征而粵賊現在湖南號稱二三十萬若果竄蜀裹脅更多臣以區區萬人入蜀剿固不敷

防亦不足孤軍客寄傷亡難補以勢度之恐無禱于大局若遵

諭旨據兩湖上游之勢則即臣現在之兵力畧加水師駐扎宜昌等處即可穩占上游固湖廣之西門若必徑趨夔州則不以兼顧湖廣為重而以籌防全蜀為重不特蕭啟江一軍必須調集同行且當添調水陸奏齊三萬人乃可攜以入峽此又由鄂赴蜀應俟兵力畧厚之情形也自軍興以來川陝兩省最為完善而蜀中財力雄厚百物豐饒木多足以立舟師馬多足以備騎隊尤

為逆眾所涎羨我

皇上睠焉西顧防患未形洵屬刻不可緩之至詎惟景德鎮目下難遽抽動及_臣處兵力單弱情形不得不縷

陳于

聖主之前除景德鎮開仗情形即日另行奏報外理合

恭摺由驛六百里覆奏伏乞

皇上聖鑒訓示施行謹奏

咸豐九年六月十八日

攻克景德鎮疏

奏為官軍攻克景德鎮浮梁縣城江省肅清恭摺奏祈聖鑒事竊_臣於五月十一日派道銜候選知府曾國荃帶領五千餘人助攻景德鎮二十二日抵鎮約會張運蘭等移營雞腳嶺一帶層層進逼二十六日辰刻營壘未成賊出三大支過河來撲各營梟水抄擊殺賊百餘逼溺無數賊敗回巢未刻浮梁援賊大至偽楊國宗悉銳來犯計二萬餘人各營分三路截擊鏖戰兩時陣斬黃衣騎賊及先鋒賊十數名賊始奔潰經劈山砲截路

排轟擊斃溺斃約四五百名。我軍陣亡五人，帶傷四十五人。二十八日，賊復來犯，過河直撲老湘營，餘皆埋伏對河。我軍用鎗砲扼港迎擊，未刻賊氣已疲，始大呼衝出，殺賊百餘名。六月初二日，賊仍傾巢來撲，馬隊三四百匹排列對河，而以一支犯老湘營，一支犯岳字營。張運蘭帶隊將賊擊退，直衝過河，與岳字營逼李村逆巢窮追過猛，賊從旁路包抄，我軍陣亡五十三人。都司李印典守備向其昌、陳玉才均歿于陣。經朱品隆、唐義訓、蕭孚泗等各營接應，迴合數次，賊始大敗。自是三戰皆

勝。圍逼愈緊，賊糧垂盡，知其不能久踞矣。適天雨江漲，劉于醕水師與彭玉麟派來之水師游擊任星元緊逼西瓜洲，晝夜轟攻，排牆倒壁。楚軍陸師派隊將湘湖衝黃港臧家灣等處賊卡焚燒，斷賊接應。署浮梁縣事柴維翰亦帶團將羊塢街賊卡焚燬，賊益窮蹙，遂趕造火牌火船圖襲下游。水師劉于醕等探知，嚴加準備。十三夜，賊果出火牌四十餘架，夾岸輔以陸賊焚攻水師。我軍排礮對轟，楚軍亦出隊轟剿兩岸之賊，擊斃多名，血尸盈岸。賊計不行。十四日夕，水陸各營施放噴筒火箭。

風大火烈延燒鎮市民房該逆忙亂遂于是夜子刻乘
黑暗潛竄浮梁會國荃親率參將張勝祿游擊蕭孚泗
都司周惠堂副將朱品隆知縣張岳齡等由中路黃泥
渡進張運蘭親率參將文恆久劉松山朱紹輝游擊王
萬友都司張廣勝易開俊等由左路李村羊塢街進道
員王文瑞偕副將唐義訓游擊朱寬義藩經歷凌蔭廷
游擊喻吉三游擊銜彭大壽都司吳蓋臣守備劉勝祥
張詩華等由右路湘湖街進一面焚燒各卡斬馘追奔
十五日辰刻抵浮梁縣該城有一河之隔賊搭浮橋上

下三道礮船十餘號轟護歸路其殿後之賊尚有數千
未過浮橋我軍窮迫緊逼溺尸滿河賊用鎗礮扼橋傷
我弁勇十數人守備銜高成春死之抵敵良久中路難
進城內忽出悍賊三四千人迴過浮橋直衝中路朱品
隆張岳齡等方分翼抄擊適左路張運蘭等已追至下
渡浮橋邊右路王文瑞等已追至上渡浮橋邊劉子醅
所派之江軍亦到會國荃等遂奮擊中路立斃悍賊二
百餘名該逆自相踐踏落水死者近千人當卽跟蹤入
城張運蘭從西門外抄入王文瑞從東門抄入所有斷

後悍賊殄殲殆盡。已革皖南道石景芬前浮梁縣楊錚署浮梁縣柴維翰率浮樂各團勇由東鄉追捕前來。隨同克復縣城。賊奔竄祁門建德一帶。我軍仍分三路追剿。追過縣城四十餘里。伏以盈路戍刻收隊。是日追逐七十餘里。斃賊二千餘名。生擒二百七名。奪獲旂幟軍械約二千件。楚軍陣亡四十九人。帶傷百三十餘人。此五月二十六二十八等日疊獲全勝。六月十四五等日攻克景德鎮浮梁縣城之實在情形也。據張運蘭會國荃等稟報前來。臣查景德鎮爲江西皖浙三省要衝。

去臘派張運蘭帶領楚軍與劉于醜之江軍會剿。前後數十戰。互有勝負。楚軍陣亡至七百餘人。之多。今幸濟師助剿。力戰成功。仰仗


皇上天威。江西全省一律肅清。除曾國荃係臣親弟。不敢仰邀議敘。及江軍出力人員。應由撫臣奏獎外。按察使銜卽選道張運蘭治軍堅忍。艱險不渝。可否

賞加布政使銜。候選道王文瑞勇敢明練。候補游擊任星元忠實勤能。可否均

賞加勇號。所有官軍攻克景德鎮逆巢浮梁縣城。江境肅

會文正公奏議 卷三
清各緣由恭摺由驛六百里馳奏伏乞
皇上聖鑒訓示施行謹 奏

咸豐九年六月廿二日



奉 旨會商大略疏

奏為奉 旨會商大略由鄂省回駐巴河恭摺仰祈

聖鑒事竊 臣行抵湖口將清釐報銷休息病卒各情馳

報在案在湖口小住十日八月十一日行抵黃州與撫

臣 胡林翼晤商一切旋於八月二十三日行抵武昌晤

商督 臣 官文維時探聞湘賊大股全竄粵西前隊已趨

義甯距黔省邊界甚近或由龍勝懷遠一帶入黔以遂

其竄蜀之謀亦未可定固不敢謂川境可保無事此賊

必無入蜀之虞惟以道里計之賊踪離蜀尚隔三千餘

里粵黔兩省萬山叢雜賊多食少勢難遠達蜀境查皖北粵捻各匪蔓延日廣南爲金陵蕪湖之援北爲齊豫數省之患自安慶至宿亳千餘里人民失業田廬蕩然火熱水深迫切待救勝保翁同書兩軍相隔既遠兵餉并絀東北各路亦無協剿之師誠如聖諭非由楚省派兵馳援不能牽掣賊勢官文胡林翼擬將援湘馬步各軍調回分路進發皖鄂接壤途徑紛歧上年李續賓銳意深入連克四城因兵數太少有戰兵無守兵有正兵無援兵是以中道挫衄今懲前此之

失須合全力圖之多添一兵得一兵之力早辦一日救一日之難中原腹地莫要於皖生民苦厄莫甚於皖就大局緩急而論臣自應回軍援皖先其所急以期速蘇民困仰慰

宸廑臣於九月初三日由武昌回駐黃州下游四十里之巴河簡校軍實詳考入皖形勢進兵須分四路南則循江而下一由宿松石牌以規安慶一由太湖潛山以取桐城北則循山而進一由英山霍山以取舒城一由商城六安以規廬州南軍駐石牌則可與楊載福黃石

磯之師聯為一氣。北軍至六安州則可與翁同書壽州之師聯為一氣。臣所部不及萬人僅足自當一路。若將援湘之蕭啟江調回則臣處可分為兩支。若並將張運蘭調回則臣處可分為三支。一支之力僅能會勦皖北三支之力則可專任皖南。臣於正月十一日曾經縷晰具奏在案。此時湘事雖緩邊防尚緊。臣擬酌畱張運蘭一軍協防湖南。咨調蕭啟江帶勇五千先行來鄂相應請

旨飭下湖南撫臣檄催蕭啟江剋日前來會同鄂省各

軍陸續東下。以期廓清皖境蕩平寇氛除進勦事宜另行會商馳報外所有遵

旨商籌全局並回駐巴河各緣由恭摺由驛五百里覆奏伏乞

皇上聖鑒訓示遵行謹奏

咸豐九年九月十二日

遵

旨悉心籌酌疏

奏爲遵

旨悉心籌酌恭摺覆奏仰祈

聖鑒事竊臣伏查自古辦竊號之賊與辦流賊不同辦流賊法宜預防以待其至堅守以挫其銳辦竊號之賊法當翦除枝葉併搗老巢今之洪秀全據金陵陳玉成據安慶私立正朔僞稱王號竊號之賊也石達開等之由浙而閩而江而湖南而廣西流賊之象也宮張諸捻之股數眾多分合無定亦流賊之類也自洪楊內亂鎮江克復金陵逆首兇燄久衰徒以陳玉成往來江

北勾結捻匪廬州浦口三河等處迭挫我師遂令皖北之糜爛日廣江南之賊糧不絕臣竊以爲欲廓清諸路必先攻破金陵全局一振而後江南大營之兵可以分剿數省其餉亦可分潤數處欲攻破金陵必先駐重兵于滁和而後可去江甯之外屏斷蕪湖之糧路欲駐兵滁和必先圍安慶以破陳逆之老巢兼搗廬州以攻陳逆之所必救誠能圍攻兩處略取旁縣該逆備多力分不特不敢悉力北竄齊豫並不敢一意東顧江浦六合益竊號之賊未有不悉力以護其本根也現擬四路進

兵自江濱而北第一路由宿松石牌以規安慶臣國藩親自任之第二路由太湖潛山以取桐城多隆阿鮑超任之第三路由英山霍山以取舒城臣林翼親自任之先駐楚皖之交調度諸軍兼籌轉運第四路由商固以規廬州調回李續宜一軍任之袁甲三等原奏恐驅賊北竄請由光固潁州繞赴北路等語查湘勇久戰江濱于淮北賊情地勢不甚熟悉能否繞出懷蒙以北應俟李續宜軍至固始後察看情形再行奏明辦理至蕭啟江一軍臣國藩前于奏明後即行檄調來鄂嗣聞桂林


014846

8124.5
14844

3

解圍又經飛札催調計日內當已由粵回湘張運蘭一
 軍經湖南撫臣派防郴州該道久勞干外適值防務稍
 紓稟請給假三月暫予休息臣國藩與駱秉章皆經批
 准難遽北來應懇
 皇上天恩仍飭蕭啟江來晚俾臣等少收臂指之助除
 俟各軍取齊再行馳報外所有遵
 旨悉心會籌緣由謹合詞恭摺由驛覆奏伏乞
 皇上聖鑒訓示施行謹 奏

咸豐九年十月十七日



71014911

